

Broj: 101-11603/25 DŽS  
Zenica, 10.10.2025. godine

Na osnovu člana 69., stav 2., tačke (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14, broj 59/22), na Preporuku Komisije za nabavku broj: 501-11601-1/25 DŽS od 10.10.2025 godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

## **O D L U K U**

**o poništenju postupka za nabavku i sukcesivnu isporuku kanalizacionih cijevi (PEHD/PP i PVC) i cijevi za vodu (PEHD)**  
**LOT 1 – nabavka cijevi za kanalizaciju (PEHD/PP i PVC)**

### **I**

Poništava se postupak javne nabavke za nabavku i sukcesivnu isporuku kanalizacionih cijevi (PEHD/PP i PVC) i cijevi za vodu (PEHD), LOT 1 – nabavka cijevi za kanalizaciju (PEHD/PP i PVC), iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d), Zakona o javnim nabavkama („Službeni glasnik BiH“, broj 39/14, broj 59/22, broj 50/24).

### **II**

Za izvršenje ove Odluke zadužuje se Komisija za nabavke.

### **III**

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

## **Obrazloženje**

Odlukom broj: 101-9705/25 BS od 26.08.2025. godine pokrenut je postupak javne nabavke za nabavku i sukcesivnu isporuku kanalizacionih cijevi (PEHD/PP i PVC) i cijevi za vodu (PEHD), LOT 1 – nabavka cijevi za kanalizaciju (PEHD/PP i PVC), putem otvorenog postupka sa zaključenjem okvirnog sporazuma na period od 12 mjeseci.

Procijenjena vrijednost javne nabavke za LOT 1 bez uračunatog PDV-a je 200.000,00 KM.

Radi provođenja postupka nabavke imenovana je Komisija za nabavku (u daljem tekstu: Komisija) Odlukom broj: 101-9849/25 AB od 28.08.2025. godine.

Dana 27.08.2025.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-415-3-190/25 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 17.09.2025. godine.

Rok za dostavljanje ponuda je bio 17.09.2025. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj koverti, i to:

1. VODOSKOK d.o.o. Tomislavgrad
2. TOPLOTA d.o.o. Zenica
3. PROMAT d.o.o. Čitluk
4. ALMY d.o.o. Zenica

Dana 17.09.2025. godine, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Nakon ocjene ponuda Komisija je sačinila Zapisnik o ocjeni ponuda broj: 501-11601/25 DŽS od 10.10.2025 i provjerom sadržaja i validnosti dokumentacije, utvrdila sljedeće:

Ponuda VODOSKOK d.o.o. Tomislavgrad:

-dostavljeni katalog proizvođača za stavke 2, 4 i 5 prikazuje samo da su ovi proizvodi dimenzija od DN 200 do DN 1000 mm, ali ne pruža jasan i pouzdan dokaz o raspoloživosti svake pojedinačne tražene dimenzije;

-u kataloškom listu za stavku 3 su ručno dopisane tražene podstavke što je prema tenderskoj dokumentaciji neprihvatljivo;

-dostavljeni certifikat za stavku 6 nije usklađen sa kataloškim listom, odnosno na kataloškom listu se ne vidi ime proizvođača, pa nije moguće utvrditi da li se navedeni certifikat odnosi na proizvod iz ovog kataloškog lista. U certifikatu, također, nije navedeno da cijevi zadovoljavaju standard 13476-2 i odnosi se samo na profile DN 200 i više čime ne obuhvata niti jedan traženi DN profil naveden u stavci 6 (podstavke ove stavke);

- u dostavljenom kataloškom listu za stavku 6 nije navedeno da je proizvod usklađen sa EN ISO 9969;

- dostavljeni certifikat za stavku 7 ne potvrđuje da proizvod zadovoljava zahtjeve iz standarda 13476-2;

-u dostavljenim kataloškim listovima za stavku 7, nisu navedene dužine koje odgovaraju podstavkama 7.6, 7.7, 7.10, 7.11, 7.14, 7.17 i 7.23. Kataloški list za te dužine navodi opciju „na zahtjev“, što ne predstavlja jasan i pouzdan dokaz o njihovoj dostupnosti;

- kataloški listovi za podstavke 8.1, 8.2, 9.11 i 12.1 ne sadrže imena proizvođača niti bilo kakvu identifikacijsku oznaku proizvođača, zbog čega nije moguće jasno i direktno utvrditi porijeklo ponuđenog proizvoda;

-iz dostavljenog kataloškog lista za podstavku 9.11 ne može se zaključiti koji je materijal spojke, tj. da li je traženi PP materijal;

-nije dostavljen traženi certifikat za cijevi ponuđene u kataloškom listu za stavku 11;

-nije dostavljen traženi certifikat za cijevi ponuđene u kataloškom listu za stavku 12;

Iz gore navedenih razloga ponuda ponuđača VODOSKOK d.o.o. Tomislavgrad je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuda TOPLOTA d.o.o. Zenica:

- u dostavljenom kataloškom materijalu za stavku 6 nije navedeno da je proizvod usklađen sa EN ISO 9969;

-dostavljeni certifikat za stavku 6 ne potvrđuje da su svojstva proizvoda usklađena sa standardom EN 13476-2 i ne obuhvata podstavke 6.1, 6.2 i 6.3 (DN 50);

-u dostavljenom kataloškom materijalu za stavku 7, nije navedeno da je proizvod usklađen sa EN ISO 9969;

-u kataloškom listu za stavku 7 nisu navedene dužine koje odgovaraju podstavkama 7.7, 7.11, 7.14, 7.17, 7.20 i 7.23, što ukazuje na to da proizvođač u svom asortimanu ne nudi proizvode sa ovakvim svojstvima;

-u kataloškom listu za podstavke od 8.1 do 8.8 umjesto traženog PVC spojnog materijala ponuđen je HT(PP) spojni materijal;

-u kataloškim listovima za podstavke 9.1, 9.2, 9.3, 9.4 i 9.7 ponuđen je HT (PP) spojni materijal umjesto traženog PVC spojnog materijala;

- kataloški listovi za ponuđene stavke 8 i 9 ne sadrže imena proizvođača, niti bilo kakvu identifikacijsku oznaku proizvođača zbog čega nije moguće jasno i direktno utvrditi porijeklo ponuđenog proizvoda.

Iz gore navedenog razloga ponuda ponuđača TOPLOTA d.o.o. Zenica je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuda PROMAT d.o.o. Čitluk:

-nisu dostavljeni kataloški listovi za stavke iz Aneksa 2;

-ponuđač je dostavio važeći certifikat za stavku 1, ali s obzirom da nije dostavljen kataloški list ne može se zaključiti da ponuđač nudi cijevi od proizvođača navedenog u dostavljenom certifikatu;

-nisu dostavljeni certifikati za stavke 11 i 12 koji su zahtijevani tenderskom dokumentacijom;

-ponuđač je također dostavio certifikat koji se odnosi na PVC cijevi ali s obzirom da nema kataloških listova i da ne sadrži standard 13476-2 za PVC cijevi isti nije ispunio zahtjev iz tenderske dokumentacije;

-ponuđač nije dostavio kopiju ponude;

-ukupna vrijednost ponude nije napisana slovima.

Iz gore navedenih razloga ponuda ponuđača PROMAT d.o.o. Čitluk je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuda ALMY d.o.o. Zenica:

-u dostavljenom kataloškom materijalu za stavku 1 nije navedeno da su ponuđene cijevi usklađene sa EN ISO 9969;

-u dostavljenom kataloškom listu za stavku 6 ponuđene su cijevi materijala HT (PP) a ne PVC cijevi kako je traženo;

-u istom kataloškom listu (stavka 6) nisu navedene dužine cijevi pa nije moguće zaključiti da li odgovaraju traženim;

-svi dostavljeni certifikati za stavku 6 odnose se na HT (PP) cijevi i normu EN 13476-3 i svakako ne obuhvataju profile DN 50 i DN 110 (stavke 6) što nije ono što je traženo u tenderskoj dokumentaciji (PVC cijevi i norma 13476-2);

-u dostavljenom kataloškom materijalu za stavku 6 nije navedeno da je proizvod usklađen sa EN ISO 9969;

- u dostavljenom tehničkom listu za stavku 7 nisu navedene dužine cijevi pa nije moguće zaključiti da li odgovaraju traženim podstavkama;

U dostavljenom katalogskom materijalu za stavku 7 nije navedeno da su ponuđene cijevi u skladu sa EN ISO 9969;

-u dostavljenom katalogskom listu za podstavke 8.1 i 8.2 ponuđen je spojni materijal od HT(PP) a ne od PVC-a, kako je traženo u tenderskoj dokumentaciji;

-u dostavljenom katalogskom listu za podstavku 9.11 ponuđena je klizna spojnica od PVC-a umjesto od PP;

-nije dostavljen certifikat koji bi potvrdio da katalogom ponuđene PP cijevi za podstavku 11.1 (DN 110) zadovoljavaju traženi 13476-3 standard;

-isto tako, nije dostavljen certifikat koji bi potvrdio isto za stavku 12 (DN 110) da je u skladu sa traženim 13476-3 standardom;

-dostavljeni katalogski listovi za gotovo sve stavke (izuzev stavke 5., podstavke 13.2 i podstavke 15.2) ne sadrže imena proizvođača niti bilo kakvu identifikacionu oznaku proizvođača zbog čega nije moguće jasno i direktno utvrditi porijeklo ponuđenog proizvoda.

Iz gore navedenih razloga ponuda ponuđača ALMY d.o.o. Zenica je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Shodno prethodno navedenom, Komisija je dala Preporuku da se poništi postupak nabavke jer nije zaprimljena nijedna prihvatljiva ponuda, a na osnovu člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22).

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22, broj 50/24) odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

 DIREKTOR  
Pasalić Emir, dipl.ing.građ.

#### **DOSTAVLJENO:**

1 x Ponuđačima

1 x Direktor preduzeća

1 x Pom.dir.za tehn.posl.

1 x Pom.dir.za razvoj i invest.

1 x Službenik za javne nabavke

3 x Članovima Komisije

1 x Sekretar Komisije

1 x a/a